

Ethica Amoris, Sive Theologia Sanctorum, Magni Praesertim Augustini, Et Thomae Aquinatis

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Sacramentis In Genere Et Specie - Libros Octo Complectens

Henricus, de Sancto Ignatio

Leodii, 1709

Caput 2. Eucharistia unicum est totale Sacramentum specie morali.
Unicum etiam vel plura numero moraliter censeri potest, secundum aliam,
& aliam considerationem.

[urn:nbn:de:hbz:466:1-73212](#)

tentiarum Prospere, dicitur can. *hoc est de Consecr.*
dicit. 2. *hoc Sacramentum duobus consistat, visibili*
elementorum specie (id est speciebus panis & vini)
& invisibili Domini nostri Iesu Christi carne &
sanguine.

6. Proinde nec solum Christi corpus & sanguis,
nec sola panis & vini species, sunt Eucharistiae
Sacramentum, sed utrumque simul, sive compositum
ex utriusque. Sic enim verificatur doctrina Patrum
proxime allata: *hoc Sacramentum duobus con-*
stat, &c. sive re terrena constat & divina. Sicut &
comparatio, quia Eucharistiam assimilans Verbo
incarnato, quod sicut non est sola persona Verbi,
nec sola natura humana, sed utrumque simul.
Ita similiter, &c.

7. Deinde soli speciebus non convenient, quae SS.
Patres affirmant de hoc Sacramento, quod uti-
que sit animae cibus, quod latre cultu sit adoran-
dum, quod hisce verbis Domini conficiatur: *Hoc*
est corpus meum, &c.

8. Aliunde soli corpori sanguinique Christi non
convenit, quod Tridentinum scilicet. 13. can. 1. ait:
in SS. Eucharistiae Sacramento contineri verè rega-
liter & substantialiter corpus & sanguinem Domini
nostris Iesu Christi. Nec solum corpus sanguis
Christi sunt sensibile signum. Quod est de ratione
Sacramenti.

9. Utrumque ergo est de intrinseca ratione hujus
Sacramenti, & utrumque simul, sive compositum
ex utroque, est venerabile Eucharistiae Sacramen-
tum. Quod ratione dictarum specierum, est sensi-
bile signum. Ratione verò corporis sanguinique
Christi, latrā est adorandum. Ad quod necesse
non est quod totum, quo Sacramento hoc
constitutus intrinsecè, ex se dignum sit latrā.
Cū non omne quo Christus intrinsecè consti-
tuitur tale sit (neque enim natura humana ex se
talis est) totum nihilominus Christum latrā vene-
ramur. Eò quod totum aliquid ex ipso latrā ve-
nerabile sit, quo aliqua eius pars cultum istum
meretur.

10. Dicuntur quidem species *Sacramentum tantum:*
sed non hoc sensu, quod in eis solis adquata
hujus Sacramenti ratio constituit, sed quod ratio
signi sensibilis ab illis solis delimitatur, & per illas
corpori sanguinique Christi communiceatur. Sie-
etiam corpus Christi esse dicitur in hoc Sacra-
mento, siue pars dicitur esse in toto, à quo adaequatè
non distinguitur.

11. Hinc patet quo sensu Theologi in hoc Sacra-
mento tria considerent, id quod est *Sacramentum*
tantum, id quod dumatrat res est Sacramenti, id
quod simul est Sacramentum, & res Sacramenti.
Illud est *Sacramentum tantum*, quod ibi significat
rem quamdam occultam sacram, atque ab alia
re ibi non significatur, ut dicta species. Illud dum-
taxat res est *Sacramentum*, quod ita est res significa-
ta per Sacramentum, ut aliam rem non significet,
ut gratia, Christique corpus mysticum, quod est
Ecclesia. Illud simul est *Sacramentum, & res Sacra-*
menti, quod per Sacramentum, dictas utique
species significatur, remque aliam significat, ut
corpus Christi verum, quod per speciem panis
significatur, significatque gratiam, & dictum cor-
pus mysticum.

12. Quandoque hoc Sacramentum (Sacramento-
rum omnium excellentissimum) a Christo Do-
mino institutum sit? obcurum non est. In ulti-
ma namque cena institutum esse constat ex
Math. 26. Marci 14. Luc. 22. Sed & Paulus
1. Cor. 11. contestatur: *Dominus Jesus in qua-*
zile tradebatur, &c.

CAPUT II.

Eucharistia unicum est totale Sacramenta in spe-
cie moralis. Unicum etiam vel plura numero
moraliter censeri potest, secundum diiam, &
aliam considerationem.

Tamen physicè loquendo, varia specie distin-
cta inveniantur in hoc Sacramento, immo &
moraliter plura partialia, cibus videlicet & potus
(quam ob causam Ecclesia in quadam postcom-
munione canit: *Purificent nos Sacramenta que*
sumimus;) est tamen unicum totale Sacramen-
tum specie moralis. Quia unicum moraliter con-
vivum, sive unica adæquata refectio spiritualis,
que ex cibo & potu integratur, & per species pa-
nis & vini significatur. Et huc (Paulo teste) fi-
deles omnes unum sunt, unus hujusc Sacramenti
participatione: *unus panis, & unum corpus su-*
mu, omnes qui de uno pane & de uno calice par-
icipamus. Tamen enim ad integritatem hujus
Sacramenti duo concurrant (ait S. Thomas q. 73.
a. 2.) scilicet spiritualis cibus, & spiritualis potus,
secundum illud Jean. 6. *caro mea verè est cibus,*
& sanguis meu verè est potus: inde hoc Sacra-
mentum multa quidem est materialiter, sed unum
formaliter & perfective.

Quoad numerican unitatem Card. de Lugo 14
ait in omnibus altaris unicum numero esse Sa-
cramentum, moraliter loquendo in ratione con-
vivii, pro omnibus fidelibus instituti. Quod co-
modo est unicum numero moraliter, quo Aſſuer-
rus numero singulari fecisse dicitur *grande convi-*
vium... centum & octaginta dies.

Vasquez econtra, cum aliis, censet tot esse nu-
mero Sacra-menta, quorū species. Quia Eucha-
ristia Sacramentum est quoddam accidentiale com-
positum, in quo species (inquit) importantur in
recto, Christi corpus in obliquo. Composita verò
accidentia multiplicantur multiplicatione recti.
Verum, hæc ratio non est Theologica, confide-
ratio, sed Philosophica; nec de ea Doctores
conveniunt. Cum Waldensis noster de Sacra-
Euchar. c. 21. econtra suffinet, hoc Sacra-
mentum esse verum Christi Corpus in recto, sub for-
ma panis quam connotat in obliquo. Et conciunt
quotquot (cum Sylvio) aiunt, hoc Sacra-
mentum esse verum Christi corpus, & sanguinem,
quatenus sub visibilibus panis & vīs species exi-
bunt.

Quidquid fit de Philosophica ita consideratio-
ne (cujus hic modica habenda est ratio) S. Thom-
as in verbis n. 13. relatis, & cum eo veteres
Theologi passim, unitatem & multiplicitatem hu-
juice Sacramenti unice petere videntur ex ordine
ad unicam vel plures refectiones spirituales, sive
unicum vel plura convivia. Secundum quam pro-
inde considerationem, centum particulae con-
siderante simul ab uno eodemque homine sumpta
unicum sunt Sacramentum: quia sumpta per
modum unius ejusdemque refectio. Centum
verò particulae conficerante, centum peronis di-
stributæ, centum sunt numero Sacra-menta: quia
centum sunt numero refectio-nes spirituales.

Considerando tamen hoc Sacramentum, non 18
in ratione particularis refectio-nes cuiusque particu-
laris hominis, sed in ratione convivii pro omni-
bus instituti; siue censeri potest unum numero
moraliter convivium, à tempore sua institutionis
usque ad finem mundi duraturum (eo ferè modo,
qua supradictum Aſſueri convivium) ita &
unicum numero moraliter Sacramentum. Nec opus
est hac de re (que magni non est momenti in
consideratione moralis) plura addere.

CAPUT